



Sakspapir

Sakshandsamar	Arkiv	ArkivsakID
Gjermund Hagesæter		21/244

Saksnr	Utval	Type	Dato
051/21	Formannskapet	PS	08.06.2021
	Kommunestyret	PS	

Kompensasjonsordning til lokale virksomheter - vurdering av søknader - Covid-19

Vedlegg:

Søknad

Soknad-2021-0004

Søknad om stønad

Soknad-2021-0006

Søknad om stønad

Koronastøtte til næringslivet

Soknad-2021-0005

Søknad om tilskot, næring

Soknad-2021-0003

Søknad om stønad, næring

Soknad-2021-0002

Søknad om stønad, næring

Resultatregnskap med fjorårstallFedjeTaxi2021

Saksutgreiing:

Bakgrunn

Fedje kommune har fått tildelt totalt kr 500 000,- som ei kompensasjonsordning til lokale bedrifter som er særleg hardt ramma av smittevern-tiltak.

Kommunestyret hadde saka til behandling i møte 22/4-21. I saksutgreiinga var følgjande punkt nevnt:

Uansett er det viktig at ein har nokre kriterier for kven som skal prioriterast. Slike kriterier bør fastsetjast av kommunestyret og kan vere følgjande:

- 1. Verksemda må ha forretningsmessig adresse og drift i Fedje kommune.*
- 2. Må kunne sannsynleggjera eit inntektsbortfall som har samanheng med samfunnsendringar grunna koronasituasjonen.*
- 3. Verksemda må ha framtidsutsikter på kort og lang sikt og må legge fram plan for når verksemda ser føre seg å komme attende til normal drift.*
- 4. Kommunen kan når som helst be om dokumentasjon som stadfestar at vilkår for tilsegn er overhalde.*

I tillegg bør det setjast nokre absolutte objektive krav som kan vera:

- 1. Verksemda må vere skattepliktig til Noreg.*
- 2. Vere registrert før 12.03.20.*
- 3. Dersom verksemda er organisert som ENK eller ANS/DA må hovudinntekt hentast får verksemda.*



Fedje kommune

4. Ikkje vere konkurs, insolvent eller under avvikling

Kommunestyret fatta samrøystes følgjande vedtak:

«K - sak 020/21 Vedtak:

Midlane vert lyst ut med fire veker søknadsfrist i samsvar med dei kriteriane som kjem fram i saksutgreiinga, med unntak av følgjande: "Insolvent" vert stryke i kriteria. Fyrste 250.000 bør vurderast i forhold til bedrifter som var aktive 12.03.20. Andre 250.000 bør vurderast i forhold til bedrifter som var aktive ved nedstenging november-desember 2020 og fram til nå. Saka vert handsama i kommunestyremøtet i juni 2021 etter innstilling frå formannskapet.»

Følgjande har sendt inn søknad:

- Fedje Taxi

Søknadsbeløp: kr 100 971,-.

Grunngjeving: Smitteverntiltak medførte at kjøring vart sterkt redusert, både til Helse Bergen samt kjøring i vekedagar og helger.

- Jostein Husa (Sankaren)

Søknadsbeløp: kr 47 670,-

Grunngjeving: Smitteverntiltak medførte at mange arrangement blei avlyst både i 2020 og 2021.

- Fedje Landhandleri AS m/ fleire

Søknadsbeløp: kr 195 000,-

Grunngjeving: Tilsetting og lønn til reiselivskoordinator og og aktivitet i samband med dette.

- Fedje Servering AS

Søknadsbeløp: Kr 500 000,-

Grunngjeving: Har tapt alle større arrangementer frå påskedans 2020 til og med påskedans 2021.

- Land & Strand Eiendom AS

Søknadsbeløp: Kr 500 000,-

Grunngjeving: Ønske om å utvikle produktet enda mer med servicebygg, flytebrygger, oppgradering av bobilparkering og generell oppgradering av uteområdet.

Alle søkjarane var i drift og aktive 12/3-20. Jfr vedtak k-sak 020/21.

Vurdering

Det er sannsynleggjort at både Fedje Taxi, Jostein Husa og Fedje Servering As har hatt betydelege inntektsbortfall på grunn av smitteverntiltak. Land & Strand Eiendom AS har lidd tap her av samme grunn.

Når det gjeld Fedje Taxi og Jostein Husa så er gitt anslag på dette tapet som er greit dokumentert. Fedje Servering AS og Land & Strand Eiendom AS har ikkje dokumentert dette på same måte. Dette skuldast nok at det vil vere meir krevande å dokumentere dette sidan pandemien kom om lag på same tid som desse selskapa auka sin aktivitet og opningstider på Fedje. Kor mykje høgare omsetnad desse selskapa ville hatt dersom korona ikkje hadde eksistert, er truleg derfor umulig å dokumentere.

Søknaden frå Fedje Landhandleri AS m/ fleire er ikkje noko dårleg tiltak, men treff ikkje heilt i



Fedje kommune

forholdt til utlysningsteksten. Denne søknaden er ikkje grunngjeve med inntektsbortfall, men har som mål å skape auka aktivitet for reiselivet på Fedje både på kort og lang sikt. Ønsket er å hjelpe alle reiselivsbedrifter på Fedje til å få ein positiv utvikling, noko som igjen vil bidra til at det går raskare for dei bedriftene som har lidd tap, å koma ovanpå.

Kor stor andel av tapet som skal dekkast må også vurderast. Nasjonale ordningar har hatt ein maks sats på 85 %. På [Informasjon for norske bedrifter om koronautbruddet - regjeringen.no](https://www.regjeringen.no) er dette forklart på følgjande måte: «En justeringsfaktor på 0,85 betyr at ordningen kan dekke inntil 85 pst. av foretakenes faste, uunngåelige kostnader, avhengig av størrelsen på omsetningsfallet. Et foretak med 50 pst. omsetningsfall vil få dekket 42,5 pst. av de faste, uunngåelige kostnadene som omtalt over, mens et foretak med 100 pst. omsetningsfall vil få dekket 85 pst.»

Fedje kommune vil uansett ikkje vere bundne av desse retningslinjene og vil derfor stå nokså fritt korleis desse midlane skal delast ut så lenge dette kan forsvarast innanfor utlysningsteksten.

På same måte som ein gjorde forige utdeling av næringsstøtte vert denne saka lagt fram for politisk handsaming utan noko konkret innstilling.

Folkehelse: Gode og trygge arbeidsplassar er bra for folkehelsa.

Miljø: Ikkje relevant.

Økonomi: God aktivitet på Fedje er også bra for kommuneøkonomien.

Konklusjon

Saka vert lagt fram for politisk handsaming utan noko konkret innstilling.

Forslag til vedtak:

Følgjande søkjarar får tildelt støtte:

Formannskapet - 051/21

F - behandling:

Hans Erik Waage bad om å få vurdert sin habilitet sidan han er sønn av eigar til Fedje taxi, ein av søkjarane. Waage gjekk ut av møtet medan habiliteten vart vurdert. Waage vart samrøystes vedteke å vere ugild etter forvaltningslova § 6 b). Vara Gidske Kolltveit trådde inn i møtet for å handsame saka.

Felles framlegg til vedtak:

Følgjande søkjarar får tildelt støtte frå kompensasjonsordning for lokale verksemder i samband med Covid-19:

Fedje Taxi - tilskot kr 100 971

Jostein Husa (Sankaren) - tilskot kr 47 670

Fedje servering AS - tilskot kr 200 000

Land og Strand Eiendom - tilskot kr 151 359

Dei andre søkjarane får avslag på søknaden. Søknaden er ikkje innafor retningslinjene som gjeld



Fedje kommune

denne kompensasjonsordninga for inntektsbortfall, fordi søknadane deira gjeld nye tiltak.

Tilskota vert tildelt i tråd med retningslinjene som vart vedteke i kommunestyresak 020/21.

Samrøystes vedteke.

F - vedtak:

Følgjande søkjarar får tildelt støtte frå kompensasjonsordning for lokale verksemder i samband med Covid-19:

Fedje Taxi - tilskot kr 100 971

Jostein Husa (Sankaren) - tilskot kr 47 670

Fedje servering AS - tilskot kr 200 000

Land og Strand Eiendom - tilskot kr 151 359

Dei andre søkjarane får avslag på søknaden. Søknaden er ikkje innafor retningslinjene som gjeld denne kompensasjonsordninga for inntektsbortfall, fordi søknadane deira gjeld nye tiltak.

Tilskota vert tildelt i tråd med retningslinjene som vart vedteke i kommunestyresak 020/21.

Samrøystes vedteke.